



PORTAVÓS VI GOVERNUN KONSTITUSIONÁL



KOMUNIKADU BA MEDIA

Loron 18 fulan-marsu tinan 2015
Dili, Timor-Leste

Primeiru-Ministru sei fila hikas mai Timor-Leste iha semana ne'e rohan

Primeiru-Ministru, Dr. Rui Maria de Araújo oras ne'e nia saúde di'ak ona no ohin sei alta husi Ospital.

Tuir Ministru Negósius Estranjeirus no Kooperasaun, Hernâni Coelho, Primeiru-Ministru hahú kedas iha segunda-feira lokraik hala'o ezame klíniku iha *National University Hospital* Singapura nian (NUHS), no médiku espesialista sira informa katak Xefe Governu sei bele fila hikas mai Dili iha semana ida ne'e nia rohan.

Ministru Hernâni Coelho, hatete, mós katak ohin dadersan, Primeiru-Ministru, Dr. Rui Maria de Araújo, halo sorumutu ho diresaun Ospital hodi agradese ba dedikasaun no kuidadu ne'ebé sira fó ba nia durante loron hirak ne'e.

Iha sorumutu ne'e, Xefe Governu hatete, koalia mós kona-ba kooperasaun ne'ebé mak estabelese ona tinan rua nia laran entre Timor-Leste no *National University Hospital* Singapura iha área saúde nian.

Primeiru-Ministru transfere ba Singapura husi Ospital Nasionál Guido Valadares, Dili, hafoin nia sente moras, iha domingu kalan, wainhira fila husi Ainaru nia vizita servisu. **FIN**



Ágio Pereira
+670 7723 0011
agio.pereira@cdm.gov.tl
govtlmedia@gmail.com
www.timor-leszte.gov.tl